



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Praxis Meditandi A S. P. Ignatio Societatis Iesv Fundatore  
traditæ Explicatio**

**Le Gaudier, Antoine**

**Dilingæ, 1627**

Cap. XII. Meditationis natura.

[urn:nbn:de:hbz:466:1-50280](https://nbn-resolving.org/urn:nbn:de:hbz:466:1-50280)

disse depictum in imagine mysteri-  
um quod meditantur.

Tertium Præludium est maximè  
momenti; nam præter yniuersalem  
finem orationis, aliquâ sã deuotione  
excitatus animus particularem sibi  
aliquem materiæ congruum desig-  
nat, & à Deo gratiam aliquam & be-  
neficium petit, vt verbi gratia Christi  
amorem & imitationem in tali vir-  
tute, aut quid simile: hæc verò defi-  
nita finis peculiaris intentio impedit  
ne vaga sit meditatio; quod tamen  
ita faciendum est, vt si spiritus sanctus  
aliò nos conuertat, non resistamus.  
Atq; hæc cùm præmissa fuerint, nihil  
ex parte causæ efficientis ad medita-  
tionem recte & vtiliter peragendam  
desiderari videbitur.

---

CAPVT XII.

*Meditationis natura.*

**H**ic propriè incipit mentalis o-  
ratio.

ratio. Porro meditationem definit Sanctus Bernhardus *in scala claustr.* hoc modo: *Meditatio est studiosa mentis actio, occulte veritatis notitiam ductu propriæ rationis inuestigans.* Quæ descriptio videtur convenire omni meditationi, & studio, quo vel naturales veritates lumine rationis inuestigamus, quod sæpè multum curiositatis habet; & ideo veræ meditationi plurimum obest, vel quo veritates supernaturales expendimus, vt noui aliquid circa eas intelligamus, & hoc est studium Theologicum, non autem oratio. Hæc ergo meditatio, de qua hîc agimus, oratio est, ac proinde religiosa actio mentis, quæ idcirco procedere debet ex affectu colendi Deum, atque adeo cultum ipsi re ipsa exhibet, eumque excellentissimum, nimirum per actus præstantissimos intellectus & voluntatis. Nam voluntas ex affectu diuini cultus & glorie, intellectum per fidei actus religiose

giose

giose subijcit primæ veritati, vt eam honoret, eundemq; applicat, vt circa fidei principia discurrat, veritates antea notas expendat, & accuratiùs examinet, vel ob Dei reuelantis auctoritatem perfectiùs & firmiùs credat, & deinde ex ipsis deducat nouas quasdam alias notitias, idque eo fine vt in se excitet maiorem Dei æstimationem, deuotionem feruentiorem, ardētiora desideria ei seruiendi: nam sicut meditatio ex affectu colēdi Deū oritur, ita ordinatur ad excitandum affectum illi seruiendi, & ideò in Psalmis vocatur *meditatio cordis*, Ps. 118. quia ex affectu procedit, & ad illum tendit, inquirendo non tantum veritates speculatiuas, sed & practicas, non tantum quid verum, sed quid etiam bonum & appetendum, vt affectum excitet. Est igitur oratio mentalis practica, intellectum illuminans practice, non tantum vt sciat, sed vt veritates notas, earumq; rationes ad  
mores

74 DE ORATIONE

mores & actiones tùm internas, tùm  
externas ritè instituendas & obeun-  
das applicet: vnde efficitur vt ex me-  
ditatione tria hæc consequantur.

Primò prudentia, id est conclusio  
aliqua practica deducta per discursum  
ex præuijs fidei actibus, ex qui-  
bus tanquam ex principijs colligatur  
quid amandum, quid timendū, quid  
desiderandum, quid fugiendū, quid  
petendum, quomodo homo sentire  
de se debeat, quomodo de Deo, quo-  
modo de honore, fama, gloria, rebus  
caducis, & æternis.

Secundò affectus voluntatis, eadē  
ipsa quæ intellectus ex principijs fi-  
dei collegerit, vel repudiatis, si mala  
sint; vel amplectentis, si bona. Et cer-  
tè ad eos affectus ex sua natura medi-  
tatio refertur, suntque ij veluti cibus  
animæ, quo si destituatur, omni etiã  
succo pietatis & virtutum solidarum  
robore deficiens, ieiuna prorsus &  
inanis in omni bono opere languet.  
cet.

cet. Et quamquam interdum fidei & rationis lumine illustrata mens videat meliora, probetque, voluntas tamen affectibus, ceu vitali genio defraudata, cum ad ea assurgere pro sua imbecillitate non possit, ad deteriora prolabetur: hæcque præcipua est causa cur orationem Chrysostomus animæ nervos appellet *lib. 2. de orando Deo: Nimirum, inquit, quemadmodum corpus nervis coheret, currit, stat, vivit, & compactum est, adeo ut si nervos incidereis uniuersam corporis harmoniam dissolueris; itidem anima per sanctas preces sibi constant, ac compinguntur, ac pietatis cursum facile peragunt.* Ita Chrysostomus. At de affectibus postea pluribus.

His tertio succedit oratio, siue colloquium, quando nimirum meditatione excitata anima vehementi desiderio æstuat habendi quod sibi commodum videt; quod quoniam  
per

per se obtinere non potest, illud supplex à Deo petit. Quod si iam aliqua bona à patre luminum & authore gratiarum acceperit, de ijs DEVM laudat, & gratias vt par est, summa grati animi significatione agit, denique omni obsecrationis, petitionis, & obsequiorum genere beneficam & liberalem Dei voluntatem studet omnino quantum in se est demereri. Hæc omnia elegãter Bernardus tradit, loco sup. citato: *Meditatio*, inquit, quid sit appetendum diligentius inquirat, & quasi effodiens thesaurum inueniat, & ostendat: sed cum per se obtinere non valeat; mittit nos ad orationem; oratio se totis viribus erigens ad Deum, impetrat thesaurum desiderabilem, contemplationis suauitatem. Et infra: *Meditationem* ait sine oratione esse infructuosam.

---

 CAPVT XIII.

*Meditandi praxis.*

MODVS